


ÚLL MUMAITHE

Tá salann á úsáid mar ábhar leasaitheach leis na cianta chun bia a chosaint in aghaidh baictéir, múscáin, agus milleadh. Ar thug tú faoi deara riamh go mbíonn tart ort nuair a itheann tú bia a bhfuil an iomarca salainn ann? Bhuel, tá sé amhlaidh toisc gur triomaitheoir é salann - cabhraíonn sé chun uisce a bhaint as rudaí, lena n-áirítear as coirp dhaonna.

Is éard is mumaí ann ná duine (nó ainmhí) a leasaíodh tar éis a bháis. D'úsáideadh na hÉigiptigh triomaitheoirí fadó chun mumú a dhéanamh ar choirp. Is triomaitheoirí iad sóid aráin agus salann agus táimid chun iad a úsáid chun mumú a dhéanamh ar úll!

CEANGAL LEIS AN INNEALTÓIREACHT

Scrúdaíonn innealtóirí ceimiceáin, cosúil le triomaitheoirí, lena fháil amach cén chaoi a n-idirghníomhaíonn siad le bia agus le baictéir. Tá innealtóirí in ann leas a bhaint as coincheapa leasaithe chun teicnící nua a chur ar fáil chun bianna a leasú agus a chosaint.



A MBEIDH AG TEASTÁIL UAIT

- Scian
- 2 chupán phlaisteacha
- 1 úll
- 40 gram de shóid aráin
- 80 gram de shalann boird



CÉN CHAOI AR FÉIDIR LEAT É SEO A DHÉANAMH

1. Gearr an t-úll ina cheathrúna chun go mbeidh ceithre phíosa ar aon mhéid agat.
2. Cuir dhá píosa i ngach cupán.
3. Measc an tsóid aráin agus an salann le chéile agus cuir an meascán isteach i gceann de na cupáin. Bí cinnte go bhfuil an t-úll clúdaithe go hiomlán leis an meascán.
4. Cuir na cupáin áit éigin nach mbeidh an ghrian ag soilsiú go díreach orthu agus fág ansin iad go ceann seachtaine.
5. Tar éis seachtaine, doirt an meascán go cúramach amach as an gcupán ina raibh an t-úll clúdaithe. Ná nigh é. Cuir an dá chuid den úll i gcomparáid lena chéile. Cé acu atá leasaithe níos fearr?

CÉARD A THARLA I NDÁIRÍRE?

Tabharfaidh tú faoi deara go bhfuil an t-úll seargtha ar a raibh an tsóid aráin agus an salann - tá sé leasaithe ag an meascán. Is éard atá sa chupán eile ná úll atá ag lobhadh.

Bíonn uisce riachtanach do na baictéir is cúis le lobhadh má tá siad le teacht i dtír. Nuair a thriomaíomar an t-úll leis na triomaitheoirí, chuaigh sé deacair ar na baictéir fás.

